



partii naleraq

UKA 2017/060-01

11-10-2017

Immuup sukkuaniq sapingaqarnerup annertussusaanik misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermut ilanngunneqassapput innuttaasut immuup sukkuaniq sapingallit iluaquserniarlugit suliniutit suut aallartinneqarnissaannut innersuussutit.

(Inatsisartunut ilaasortaq Randi Vestergaard Evaldsen, Demokraatit)

Inatsisartunut ilaasortap Randi Vestergaard Evaldsenip, Demokraatineersup - Immuup sukkuaniq sapingaqarnerup annertussusaanik misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuutaa Partii Naleraq sinnerlugu imannak oqaaseqarfigisuarput:

Immuk sorleq siunnersuuteqartut toqqaannartumik oqaatiginngikkaluaraa naatsorsuutingaarput nersussuup immuata sukku siunnersuummi eqqartorneqartoq ? Tassami nalunnginnatsigu uumasut miluumasut tamarmik immoqarmata.

Kisianni taamaakkaluartoq nalunngilarput uagut kalaallit nersussuup immuanik annerusumik minnerusumilluunniit sapingaqartugut immaqa apeqquserneqartariaqanngikkaluartumilluunniit ? tassami nersussuup immua uagut kalaallit pinngortitaassutitsinniit siulitta atugarisimanngimmassuk.

Taamaammat tupinnartuliatut isiginngilarput kalaalerpasuit nersussuup immuanik sapingaqarmata. Tassami ilamanngimmat tuttup kulavaap immua pineqarunangimmat.

Taama naatsumik oqaaseqarluta naalakkersuisut akissuteqaataat tusaatissatut tiguarput.

Anthon Frederiksen